

03
21-05-2020

20-05-2020

01, 03

3515

T-12

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 56. sjednici, održanoj dana 19.05.2020. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za zdravstvenu zaštitu životinja u 2020. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, pozicija "Subvencije-veterinarstvo", „budžetska sredstva“

I.

Usvaja se Program utroška sredstava Budžeta Zeničko-dobojskog kantona za zdravstvenu zaštitu životinja u 2020. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405 "Subvencije-veterinarstvo", „budžetska sredstva“ u iznosu od 200.000,00 KM (slovima: dvijestotinehiljada konvertibilnih maraka) Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom realizovaće se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02- 11-6960 /20
Datum, 19.05.2020. godine
Zenica

DOSTAVLJENO:

☒ Ministarstvo za poljoprivredu, šumarstvo i vodoprivredu,
☐ Ministarstvo finansija,
☐ a/a.



PREMIJER

Mirza Ganić

**BOSNA I HERCEGOVINA
FEDERACIJA BOSNE I HERCEGOVINE**

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



PROGRAM

*utroška sredstava Budžeta Zeničko-dobojskog kantona
za zdravstvenu zaštitu životinja u 2020. godini*

Zenica, maj 2020. godine

Opći podaci o programu:

Program je usvojen:	na 56. sjednici Vlade Zeničko-dobojskog kantona održanoj 19.05.2020. godine.
Period realizacije Programa:	Mjere zdravstvene zaštite životinja iz Programa koje budu provedene u periodu od 01.01. do 31. 12. 2020. godine. U ovom periodu izvršit će se i isplata neisplaćenih naknada štete za uginule i neškodljivo uklonjene životinje u 2019. godini.
Ukupna vrijednost Programa:	200.000,00 KM
Namjena Programa:	Zdravstvena zaštita životinja
Korisnici Programa:	Veterinarske stanice, dijagnostičke ustanove, poljoprivredni proizvođači, vlasnici životinja, pčelari – fizička i pravna lica, općine/gradovi (u daljem tekstu: Korisnici).
Izvor sredstava:	Budžet Zeničko-dobojskog kantona za 2020. godinu, Ministarstvo za poljoprivredu, šumarstvo i vodoprivredu, " Subvencije - veterinarstvo" razdjel 23, budžetska organizacija 01, potrošačka jedinica 0001, ekonomski kod 614 400, NAD 405 i Zakon o izvršavanju Budžeta Zeničko-dobojskog kantona za 2020. godinu ("Službene novine Zeničko- dobojskog kantona", broj: 24/19).
Nosilac Programa:	Ministarstvo za poljoprivredu, šumarstvo i vodoprivredu Zeničko-dobojskog kantona
Odgovorna osoba:	Mirnes Bašić, ministar

I UVOD

Odredbama Zakona o veterinarstvu ("Službene novine Federacije BiH", broj: 46/00) propisano je da se određene mjere zdravstvene zaštite životinja finansiraju iz budžeta kantona. Shodno tome predložen je Program utroška sredstava budžeta Zeničko-dobojskog kantona za zdravstvenu zaštitu životinja u 2020. godini (u daljem tekstu: Program).

Za realizaciju ovog Programu planirana su sredstva u iznosu od 200.000,00 KM.

U izradi Programa korišteni su slijedeći parametri:

- Epizootiološka situacija na području Zeničko-dobojskog kantona (u daljem tekstu: Kanton)
- Kontinuitet provođenja veterinarsko-zdravstvenih mjera,
- Zakonske odredbe i drugi važeći propisi,

Prilikom izrade ovog Programa vodilo se računa o harmonizaciji mjera i aktivnosti propisanih u Programu mjera zdravstvene zaštite životinja i njihovog provođenja u 2020. godini („Službeni glasnik BiH“, broj: 22/20) Ureda za veterinarstvo Bosne i Hercegovine.

II AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutnog stanja u pogledu kretanja zaraznih bolesti domaćih životinja na području Zeničko-dobojskog kantona, a na temelju odredbi Zakona o veterinarstvu („Službene novine Federacije BiH“, broj: 46/00) i Zakona o zaštiti i dobrobiti životinja („Službeni glasnik BiH“, broj 25/09) i u skladu sa raspoloživim sredstvima Budžeta Zeničko-dobojskog kantona za 2020.godinu, planira se utrošak sredstava za provođenje slijedećih mjera i aktivnosti:

1. Kontrola zdravlja vimen, a,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Realizacija nerealizovanih zahtjeva iz prethodnog perioda i pomoć u posebnim okolnostima.

1. Kontrola zdravlja vimen – Sufinansiranje laboratorijskih pretraga broja mikroorganizama i somatskih stanica u mlijeku krava koje se stavlja u javnu potrošnju, za proizvođače koji su u sistemu organizovanog otkupa mlijeka ili su registrovani za preradu mlijeka u vlastitom domaćinstvu. Sufinansiranje iznosi 15,00 KM/kravi u laktaciji. Mjere dijagnostičkog ispitivanja sprovodiće nadležne veterinarske stanice na dodijeljenim područjima djelovanja. Pravo na sredstva ostvaruju proizvođači putem veterinarskih stanica. Planirani iznos sredstava je 120.000,00 KM.

Cilj: osigurati otkup mlijeka za javnu potrošnju samo od zdravih kontrolisanih i ispitanih muznih krava, eliminisati iz produkcije sve životnje sa oboljelim vimenom.

2. Uzimanje uzoraka za ispitivanje Infektivne anemije konja – Uzimanje uzoraka krvi svih konja radi ispitivanja na prisustvo uzročnika zarazne bolesti Infektivna anemija konja na području Kantona. Pravo na sredstva ostvaruju vlasnici konja putem veterinarskih stanica. Planirani iznos sredstava je 5.000,00 KM.

Cilj: suzbiti bolest i ukloniti sve seropozitivne životinje kako bi zaštitili zdravu populaciju konja.

3. Naknada štete za eutanazirane životinje – Za eutanazirane životinje i predmete uništene tokom provođenja naredenih mjera, u skladu sa članom 45. i 46. Zakona o veterinarstvu („Službene novine Federacije BiH“, broj: 46/00), plaća se naknada štete vlasnicima. Mjere se provode po naredbi Glavnog federalnog veterinarskog inspektora, a za bolesti pčela po naredbi kantonalnog veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od Ministra Ministarstva za poljoprivredu, šumarstvo i vodoprivredu Zeničko-dobojskog kantona, u skladu sa odredbama Pravilnika o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18). Planirani iznos sredstava je 25.000,00 KM.

Cilj: provesti sve naredene mjere eutanazije životinja i izvršiti pravičnu nadoknadu štete vlasnicima koji su ispunili propisane uslove, za sve ubijene životinje.

4. Pomoć u provođenju Zakona o zaštiti i dobrobiti životinja – Kao pomoć općinama/gradovima u provođenju mjera zbrinjavanja, zdravstvene zaštite i dobrobiti životinja koje su propisane odredbama člana 30. Zakona o zaštiti i dobrobiti životinja („Službeni glasnik BiH“, broj: 25/09) i odredbama člana 124. Zakona o veterinarstvu („Službene novine Federacije

BiH", broj: 46/00) kao mjere koje se finansiraju i iz Budžeta Kantona. Planirani iznos sredstava je 40.000,00 KM.

Cilj: osigurati uslove za smještaj većeg broja napuštenih životinja i smanjiti populaciju slobodnokrećućih životinja, osigurati bolje uslove za pružanje zdravstvene zaštite i njege životinja u prihvatilištima.

5. Nerealizovani zahtjevi iz prethodnog perioda i pomoć u posebnim okolnostima - Finansiraće se nerealizovani zahtjevi za nadoknadu štete iz prethodnog perioda koji zbog dužine trajanja procesa nisu realizovani ili kada je proizvođač ostvario pravo u ponovljenom postupku provedenom po pravosnažnoj sudskoj presudi, odnosno po pravosnažnom rješenju donesenom u drugostepenom postupku, isti će se realizovati u skladu sa raspoloživim sredstvima u 2020. godini. Sredstva pomoći farmerima zbog nastanka većih šteta kao posljedica prirodnih nesreća ili šteta nastalih zbog naglih uginuća životinja koje nisu nastale nebrigom vlasnika, biće realizovana nakon provedene procedure koja uključuje procjenu vrijednosti i proceduru ostvarivanja prava na isplatu. Sredstva će odobravati Vlada posebnim zaključkom, na prijedlog Ministarstva. Planirani iznos sredstava je 10.000,00 KM.

Cilj: realizovati osnovana potraživanja koja su izostala zbog određenih poteškoća i pružiti pomoć subjektima koji se bave edukativnim i stručno-obrazovnim procesima u oblasti animalne poljoprivredne proizvodnje.

III KRITERIJI ZA RASPODJELU SREDSTAVA

Doznačena finansijska sredstva biće realizovana iz Budžeta Kantona za 2020. godinu sa stavke "Subvencije - veterinarstvo" – budžetska sredstva, a odobravaće se prema slijedećim kriterijima:

A. Opći kriteriji

- Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i kao i vlasnici moraju biti upisane u jedinstveni registar domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i Pravilnikom o označavanju i šemi kontrole kretanja životinja u BiH („Službeni glasnik BiH“, broj: 28/03).
- Preventivne mjere zdravstvene zaštite životinja mogu obavljati samo registrovane veterinarske stanice Zeničko-dobojskog kantona na dodijeljenim područjima djelovanja i u skladu sa Programom mjera zdravstvene zaštite životinja i njihovog provođenja u 2020. godini. („Službeni glasnik BiH“, broj: 22/20).

B. Posebni kriteriji

- 1. Kontrola zdravlja vimena** – pored općih kriterija životinje koje se ispituju moraju biti u laktaciji i moraju biti uključene u organizovani otkup mlijeka.
- 2. Uzimanje uzoraka za ispitivanje Infektivne anemije konja**
Konji koji se ispituju moraju biti identifikovani i obilježeni čipom.
- 3. Naknada štete za eutanazirane životinje**
Da bi ostvarili pravo na nadoknadu štete vlasnici eutanaziranih životinja su dužni dostaviti kompletiranu dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18).

4. Pomoć u provođenju Zakona o zaštiti i dobrobiti životinja

Korisnici sredstava mogu ostvariti pravo na sredstva kao pomoć za izgradnju skloniša za životinja što se dokazuje:

- važećom urbanističkom saglasnošću ili građevinskom dozvolom za objekte koji počinju izgradnju ili su u izgradnji,
- ili kao pomoć u funkcionisanju i zdravstvenoj zaštiti zbrinutih životinja, dostavljanjem:
- dozvole o formiranju skloniša koja je izdata od nadležnog organa općine/grada.

5. Nerealizovani zahtjevi iz prethodnog perioda i pomoć u posebnim okolnostima

Korisnici sredstava mogu ostvariti pravo na sredstva u koliko ispunjavaju opće i posebne kriterije ovog Programa.

IV SVRHA PROGRAMA

Svrha ovog Programa je da se nastavi uspostavljeni kontinuitet provođenja mjera zdravstvene zaštite životinja kao bitnog preduslova zaštite zdravlja ljudi, a posebno da se:

- a. poboljša zdravstvena zaštita životinja,
- b. pojača prevencija zaraznih bolesti domaćih životinja,
- c. intenziviraju mjere za suzbijanje i iskorjenjavanje postojećih zaraznih bolesti,
- d. unaprijedi i podigne na viši nivo rad veterinarske službe,
- e. ostvari povoljna epizootiološka situacija na području Kantona,
- f. unaprijede mjere veterinarskog javnog zdravstva,
- g. zaštiti zdravlje ljudi.

V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2020. godinu ("Službene novine Zeničko-dobojskog kantona", broj: 24/19 i 7/20), u kojemu je na stavci "Subvencije - veterinarstvo" – budžetska sredstva, u razdjelu 23, budžetska organizacija 01, potrošačka jedinica 0001, ekonomski kod 614 400, NAD 405, planiran iznos sredstava u iznosu od 200.000,00 KM.

Navedeni iznos sredstava će se realizovati u skladu sa dinamikom punjenja Budžeta Zeničko-dobojskog kantona za 2020. godinu, na bazi mjesečnih operativnih planova.

VI KORISNICI SREDSTAVA

Korisnici sredstava su veterinarske stanice, dijagnostičke ustanove, poljoprivredni proizvođači, vlasnici životinja, pčelari, općine, grad - fizička i pravna lica koja ispunjavaju kriterije iz ovog Programa.

Tabelarni prikaz

R.b.	Naziv aktivnosti/mjere	Iznos u KM
1.	Kontrola zdravlja vimen	120.000,00
2.	Uzimanje uzoraka za ispitivanje Infektivne anemije konja	5.000,00
3.	Naknada štete za eutanazirane životinje	25.000,00
4.	Pomoć u provođenju Zakona o zaštiti i dobrobiti životinja	40.000,00
5.	Nerealizovani zahtjevi iz prethodnog perioda i pomoć u posebnim okolnostima	10.000,00
	U K U P N O :	200.000,00

Zbog mogućih nepredvidivih situacija u pogledu stanja i kretanja zaraznih bolesti životinja, moguća su preusmjerenja već planiranih sredstava u druge neophodne aktivnosti.

Na prijedlog Ministarstva za poljoprivredu, šumarstvo i vodoprivredu Zeničko-dobojskog kantona, Vlada Zeničko-dobojskog kantona će za svaku planiranu aktivnost posebnim zaključcima ili odlukama odobravati sredstva iz Budžeta Kantona.

Broj: 02- 11-6960 /20
Datum, 19.05.2020. godine
Zenica



DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo finansija,
- 1x a/a.